

ს.ს. „ელექტროენერგეტიკული სისტემის კომერციული ოპერატორი“



ფოტოასლებისა და ოფსეტური ბეჭდვის მოწყობილობის (CPV 30120000) და
სხვადასხვა საოფისე მოწყობილობებისა და მარაგების (CPV 30190000)
(კატრიჯები, ტონერები და სხვა) გამარტივებული ელექტრონული
ტენდერის საშუალებით შესყიდვის

სატენდერო დოკუმენტაცია

ქ. თბილისი 2014 წელი

ს ა რ ჩ ე ვ ი

1. ინფორმაცია ტენდერში მონაწილეთათვის
2. საკვალიფიკაციო მოთხოვნები
3. ტექნიკური დავალება
4. სახელმწიფო შესყიდვების შესახებ ხელშეკრულების პროექტი
5. აფიდავიტი
6. დამატებითი ინფორმაცია

1. ინფორმაცია ტენდერში მონაწილეობის

სახელმწიფო შესყიდვების ერთიანი ელექტრონულ სისტემის საშუალებით შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად. ინსტრუქტაჟი შესაძლებელია ასევე იხილოთ <http://procurement.gov.ge>

2. საკვალიფიკაციო მოთხოვნები

საკვალიფიკაციო მონაცემების დასადასტურებლად პრეტენდენტის მიერ წარმოსადგენი დოკუმენტაცია და პირობები:

2.1. იურიდიული პირისა და ინდივიდუალური მეწარმისათვის:

- ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან (მოთხოვნილი იქნება მხოლოდ იმ შემთხვევაში, თუ სსიპ „საჯარო რეესტრის ეროვნული სააგენტოს“ ოფიციალური ვებ-გვერდის მეშვეობით შეუძლებელია პრეტენდენტის შესახებ შესაბამისი ინფორმაციის სრულყოფილად მიღება);

2.2. ფიზიკური პირებისათვის:

- პირადობის მოწმობის ან პასპორტის ასლი;

2.3. აღნიშნული დოკუმენტი გამარჯვებული პრეტენდენტის მიერ წარმოდგენილ უნდა იქნეს ელექტრონული ვაჭრობის დამატებითი რაუნდების დასრულების შემდეგ „შემსყიდველის“ მოთხოვნის შემთხვევაში და შესაბამისად.

ასეთ შემთხვევაში „შემსყიდველის“ მოთხოვნაში გათვალისწინებული ადმინისტრაციული ორგანოებიდან წარმოსადგენი დოკუმენტი გაცემული/მომზადებული უნდა იყოს “ტენდერი გამოცხადებულია” ეტაპის დაწყების შემდეგ.

2.4. ფიზიკური პირისთვის პირადობის დამადასტურებელი დოკუმენტის, ხოლო ინდივიდუალური მეწარმისა და იურიდიული პირისათვის მეწარმეთა და არასამეწარმეო (არაკომერციული) იურიდიული პირების რეესტრიდან ამონაწერის მოთხოვნის მიზანია პირის იდენტიფიკაცია, ხოლო ინდივიდუალური მეწარმისა და იურიდიული პირის შემთხვევაში, ასევე სახელმწიფო შესყიდვების პროცესში მესამე პირებთან საწარმოს წარმომადგენლობაზე უფლებამოსილი პირების დადგენა.

2.5. პრეტენდენტის მიერ საკვალიფიკაციო მონაცემების დამადასტურებელი დოკუმენტის წარდგენა ხდება მოქმედი კანონმდებლობით გათვალისწინებული წესით.

3. ტექნიკური დავალება

პრეტენდენტის მიერ ტექნიკური დოკუმენტაცია წარმოდგენილი უნდა იქნას ქვემოთ მითითებული კრიტერიუმებისა და მოთხოვნების გათვალისწინებით:

3.1. წინამდებარე გამარტივებული ელექტრონული ტენდერის შესყიდვის ობიექტს წარმოადგენს ფოტოასლებისა და ოფსეტური ბეჭდვის მოწყობილობები (CPV 30120000) და სხვადასხვა საოფისე მოწყობილობები და მარაგები (CPV 30190000) (კატრიჯები, ტონერები და ა. შ.).

3.2. შესყიდვის ობიექტის სავარაუდო ღირებულება სატენდერო წინადადებაში მითითებული უნდა იყოს დღგ-ს გარეშე. საჭიროების შემთხვევაში ხელშეკრულებაში გათვალისწინებული იქნება დღგ.

3.3. ქვემოთ მოცემული დანართი №1-ის მიხედვით პრეტენდენტმა უნდა შეავსოს და წარმოადგინოს ფასების ცხრილი.

3.4. სატენდერო წინადადების უზრუნველყოფის ელექტრონული გარანტიის მოქმედების ვადა განისაზღვრება არანაკლებ 120 კალენდარული დღით ეტაპიდან „წინადადების მიღება დაწყებულია“.

3.5. საქონელი უნდა იყოს მაღალი ხარისხის და უნდა შეესაბამებოდეს დანართი №1-ში მოცემულ პირობებს, შესაბამისი საგარანტიო ვადით (ასეთის არსებობის შემთხვევაში). საგარანტიო ვადის განმავლობაში დაზიანების (გარდა მექანიკური დაზიანებისა) ან ნაკლის აღმოჩენის შემთხვევაში „მიმწოდებელმა“ უფასოდ უნდა შეაკეთოს შესყიდვის ობიექტით გათვალისწინებული საქონელი, ხოლო თუ შეუძლებელია მისი შეკეთება ან მისი შეკეთებით მნიშვნელოვნად მცირდება მისი ღირებულება, მაშინ შეცვალოს იგი იგივე ტიპის, ხარისხისა და ღირებულების საქონლით.

3.6. ტენდერის დასრულების შემდეგ, ვაჭრობის დამატებითი რაუნდების შედეგად დაფიქსირებული საბოლოო სატენდერო ღირებულებიდან გამომდინარე, ფასების ცხრილში მოცემული შესაბამისი ცალკეული ობიექტის ერთეულის ღირებულება დადგინდება (შემცირდება) მხარეთა შეთანხმებით, რაც აისახება ხელშეკრულებაში. შეთანხმების მიუღწევლობის შემთხვევაში იგი შეიცვლება (შემცირდება) ვაჭრობის შედეგად დაფიქსირებული საბოლოო სატენდერო ღირებულების პროპორციულად (პროცენტულად). აღნიშნული მეთოდით დაფიქსირებული ღირებულება აისახება შესყიდვის შესახებ ხელშეკრულებაში.

3.7. შესყიდვის ობიექტის თითოეული შემადგენელი ნაწილის მიწოდების ვადა განისაზღვრება შემსყიდველის მოთხოვნიდან 5 (ხუთი) კალენდარული დღით, შესაბამისი მიღება-ჩაბარების აქტის გაფორმებით.

3.8. ღირებულების ანაზღაურება მოხდება ფაქტიურად მიწოდებული შესყიდვის ობიექტის ღირებულების მიხედვით, მიღება-ჩაბარების აქტის საფუძველზე, შესაბამისი საანგარიშსწორებო (საგადასახადო) დოკუმენტაციის გაფორმებიდან 5 (ხუთი) სამუშაო დღის განმავლობაში. წინასწარი გადახდის წესი არ გამოიყენება.

3.9. პრეტენდენტის სატენდერო წინადადება ძალაში უნდა იყოს შემდეგი ეტაპების დადგომამდე: „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“.

3.10. სატენდერო წინადადების წარდგენით მიმწოდებელი ავტომატურად ეთანხმება სატენდერო დოკუმენტაციით დადგენილ პირობებს/მოთხოვნებს. ამასთან, პრეტენდენტს შეუძლია წარმოადგინოს (სისტემაში ატვირთოს) მისი რეკუტაციისა და საქმიანი გამოცდილების დამადასტურებელი დოკუმენტაცია.

3.11. შესყიდვის ობიექტის მიწოდების საერთო ვადა განისაზღვრება ხელშეკრულების გაფორმებიდან 2014 წლის 31 დეკემბრის ჩათვლით.

3.12. პრეტენდენტის რეკვიზიტები წარმოდგენილ უნდა იქნას დანართი №2-ში მითითებული მონაცემების შესაბამისად.

3.13. ტექნიკური დოკუმენტაცია წარმოდგენილი უნდა იყოს ქართულ ენაზე.

ფასების ცხრილი

№	დასახელება	რაოდ. (ცალი)	მწარმოებელი ქვეყანა/კომპანია	კარტიჯის მოდელი	ერთეულის ფასი (ლარი)	თანხა სულ (ლარი)
1	2	3	4	5	6	7
1.	ტონერის კატრიჯი ლაზერული პრინტერისთვის Canon MF 3110	2				
2.	ტონერის კატრიჯები შავთეთრი პრინტერებისათვის - Canon LBP2900 და HP LaserJet 1018	10				
3.	ტონერის კატრიჯი შავთეთრი HP LaserJet 2014 სერიის პრინტერებისათვის დიდი (X სერია, 7000 სტანდარტულ გვერდზე)	5				
4.	ტონერის კატრიჯები შავთეთრი Canon MF 4018 პრინტერისთვის	10				
5.	ტონერის კატრიჯი შავთეთრი HP LaserJet 1522nf MFP პრინტერისთვის	2				
6.	ტონერის კატრიჯები შავთეთრი Canon MF 4410 პრინტერისთვის	10				
7.	ტონერის კატრიჯები შავთეთრი Canon IR 1133 პრინტერისთვის დიდი (X სერია, 6500 სტანდარტულ გვერდზე)	12				
8.	ტონერი ფოტოასლების გადამღები აპარატისთვის Xerox c118	4				
9.	ფოტომგომბობიარე დოლის კატრიჯი ფოტოასლების გადამღები აპარატისთვის Xerox c118	1				
სულ დღგ გარეშე (არაუმეტეს)						3 000 ლარი

შენიშვნა: ცხრილის 4-7 სვეტები ივსება მიმწოდებლის მიერ.

ცხრილში ფასები მოცემულია დღგ-ს გარეშე. საჭიროების შემთხვევაში ხელშეკრულებაში გათვალისწინებული იქნება დღგ.

პრეტენდენტის რეკვიზიტები

1. პრეტენდენტის სამართლებრივი ფორმა და დასახელება
2. ხელმძღვანელის სახელი და გვარი
3. პრეტენდენტის იურიდიული ან/და ფაქტიური მისამართი
4. საიდენტიფიკაციო კოდი
5. პრეტენდენტის ტელეფონის ნომერი
6. ელექტრონული მისამართი
7. მომსახურე ბანკის დასახელება და ბანკის კოდი
8. ანგარიშსწორების ანგარიში

4. ხელშეკრულება

სახელმწიფო შესყიდვის შესახებ

ქ. თბილისი

{რიცხვი} {თვე} {წელი} წელი

ერთის მხრივ სს „ელექტროენერგეტიკული სისტემის კომერციული ოპერატორი“, წარმოდგენილი მისი გენერალური დირექტორის ----- სახით (შემდგომში „შემსყიდველი“) და მეორეს მხრივ, (-----) წარმოდგენილი მისი {ხელმძღვანელი თანამდებობის დასახელება, სახელი და გვარი} სახით (შემდგომში „მიმწოდებელი“) სახელმწიფო შესყიდვების კანონის, სატენდერო დოკუმენტაციისა და მიმწოდებლის სატენდერო წინადადების საფუძველზე, გამარტივებული ელექტრონული ტენდერის (ტენდერის ნომერი) ჩატარების შედეგად დებენ სახელმწიფო შესყიდვის შესახებ წინამდებარე ხელშეკრულებას შემდეგზე:

1. ხელშეკრულების საგანი და შესყიდვის ობიექტი

1.1. ხელშეკრულების საგანს წარმოადგენს 1.2. პუნქტში აღნიშნული შესყიდვის ობიექტის ნასყიდობა.

1.2. შესყიდვის ობიექტს წარმოადგენს „შემსყიდველის“ მიერ ფოტოასლებისა და ოფსეტური ბეჭდვის მოწყობილობების (CPV 30120000) და სხვადასხვა საოფისე მოწყობილობებისა და მარაგების (CPV 30190000) (კატრიჯები, ტონერები და ა.შ.) შესყიდვა წინამდებარე ხელშეკრულების დანართი №1-ში მოცემული პირობების შესაბამისად.

2. ხელშეკრულების ღირებულება

2.1. ხელშეკრულების ჯამური ღირებულება შეადგენს ----- ლარს {თანხა სიტყვიერად} დღგ-ს ჩათვლით (----- ლარი დღგ-ს გარეშე).

2.2. ხელშეკრულების ჯამური ღირებულება მოიცავს ხელშეკრულებით გათვალისწინებული მიწოდების განხორციელებასთან დაკავშირებულ „მიმწოდებლის“ ყველა ხარჯს, საქონლის დანიშნულების ადგილამდე ტრანსპორტირებისა და საქართველოს კანონმდებლობით გათვალისწინებული „მიმწოდებლის“ კუთვნილი გადასახადების ჩათვლით.

2.3. ხელშეკრულებით გათვალისწინებული ანგარიშსწორება განხორციელდება სს „ელექტროენერგეტიკული სისტემის კომერციული ოპერატორის“ (ესკო) საკუთარი სახსრებით.

3. ანგარიშსწორების ფორმა

3.1. „მიმწოდებელთან“ ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში, ფაქტიურად მიწოდებული შესყიდვის ობიექტის ღირებულების მიხედვით, მიღება-ჩაბარების აქტის საფუძველზე, შესაბამისი საანგარიშსწორებო (საგადასახადო) დოკუმენტაციის წარმოდგენიდან 5 (ხუთი) სამუშაო დღის განმავლობაში. წინასწარი გადახდის წესი არ გამოიყენება.

3.2. წინასწარ გადახდის პირობები არ განიხილება.

4. შესყიდვის ობიექტის მიწოდების ადგილი და ვადა

4.1. შესყიდვის ობიექტის მიწოდების ადგილია ქ. თბილისი, ბარათაშვილის ქ. 2.

4.2. შესყიდვის ობიექტის მიწოდების საერთო ვადა განისაზღვრება 2014 წლის — სექტემბრიდან 2014 წლის 31 დეკემბრის ჩათვლით.

4.3. შესყიდვის ობიექტის თითოეული შემადგენელი ნაწილის მიწოდების ვადა განისაზღვრება შემსყიდველის მოთხოვნიდან 5 (ხუთი) კალენდარული დღით, შესაბამისი მიღება-ჩაბარების აქტის გაფორმებით.

5. მხარეთა უფლება-მოვალეობანი

1. „შემსყიდველი“ უფლებამოსილია:

ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება;

ბ) მიწოდების დასრულებამდე გამოითხოვოს „მიმწოდებლისაგან“ მისთვის საჭირო დოკუმენტაცია.

5.2. „შემსყიდველი“ ვალდებულია:

ა) უზრუნველყოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს ხელშეკრულების შესრულების მიმდინარეობის პროცესს.

5.3. „მიმწოდებელი“ უფლებამოსილია მოსთხოვოს „შემსყიდველს“ ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

5.4. „მიმწოდებელი“ ვალდებულია:

ა) შეასრულოს ხელშეკრულების პირობები სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულებაში;

ბ) უზრუნველყოს ხელშეკრულების შესრულება ტექნიკური დავალებისა და სატენდერო წინადადების შესაბამისად;

გ) საკუთარი სახსრებით აღმოფხვრას გამოვლენილი ნაკლი.

6. შესყიდვის ობიექტის გარანტია

6.1. შესყიდვის ობიექტის საგარანტიო პირობები (ასეთის არსებობის შემთხვევაში) განსაზღვრულია „მიმწოდებლის“ სატენდერო წინადადებაში.

6.2. საგარანტიო ვადის განმავლობაში „მიმწოდებელი“ იღებს ვალდებულებას დაზიანების (გარდა მექანიკურისა) შემთხვევაში უფასოდ შეაკეთოს შესყიდვის ობიექტით გათვალისწინებული საქონელი, ხოლო თუ შეუძლებელია მისი შეკეთება ან მისი შეკეთებით მნიშვნელოვნად მცირდება მისი ღირებულება, მაშინ შეცვალოს იგი იგივე ტიპის, ხარისხისა და ღირებულების საქონლით.

7. ხელშეკრულების შესრულების კონტროლი

7.1. „შემსყიდველი“ უფლებამოსილია განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

7.2. ხელშეკრულების შესრულების კონტროლს „შემსყიდველის“ მხრიდან განახორციელებს კოორდინატორი (შემსყიდველისგან უფლებამოსილი პირის სახელი და გვარი ან/და თანამდებობა).

7.3. შემოწმების შედეგად გამოვლენილი ნებისმიერი ნაკლის შესახებ „შემსყიდველი“ დაუყოვნებლივ აცნობებს „მიმწოდებელს“ წუნდების მიზეზების მითითებით.

7.4. გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

8. ხელშეკრულების მოქმედების ვადა

8.1. წინამდებარე ხელშეკრულება მოქმედებს ხელშეკრულების ხელმოწერიდან -----
-----, ხოლო ფინანსური ვალდებულებების შესრულების ნაწილში მათ
შესრულებამდე.

9. ხელშეკრულებაში ცვლილების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ მეორე მხარისათვის წერილობითი გაფრთხილებიდან 3 კალენდარული დღის ვადაში.

9.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დავები და მათი გადაწყვეტის წესი

10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. მხარეთა იურიდიული მისამართები და რეკვიზიტები

„შემსყიდველი“ სს „ელექტროენერგეტიკული სისტემის კომერციული ოპერატორი“	„მიმწოდებელი“ -----
ქ. თბილისი, ბარათაშვილის ქ. №2 ტელ: 240-14-20 სს „თიბისი ბანკი“ ბანკის კოდი TBCBGE22 ა/ა GE76TB7505936030100001 საიდენტიფიკაციო კოდი 205170036	
{სახელი და გვარი}	{სახელი და გვარი}
გენერალური დირექტორი	{თანამდებობა}

სს „ელექტროენერგეტიკული სისტემის კომერციული ოპერატორსა“ და {მიმწოდებელს}
{წელი} {რიცხვი} {თვე} გაფორმებული ხელშეკრულების დანართი №1

5. აფიდავიტი

5.1. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში. აფიდავიტის პირობებზე დათანხმება ხდება დადგენილი წესის შესაბამისად. აფიდავიტის ფორმა მოცემულ დოკუმენტაციაში წარმოდგენილია საილუსტრაციოდ.

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერე ამ აფიდავიტს და წარვადგინე ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლით-სამართლებრივ პასუხისმგებლობას საქართველოს სისხლის სამართლის კოდექსის 193¹ მუხლის შესაბამისად.

6. დამატებითი ინფორმაცია

ტენდერის პროცედურებთან დაკავშირებით დამატებით ინფორმაციას გასცემს სატენდერო კომისიის აპარატის წევრი მეგი ღვინეაძე. ტელ: **599 245 159**,
ელ.ფოსტა: mghvinepadze@esco.ge

დაკავშირება უნდა მოხდეს ტელეფონზე ყოველდღე 10:00 სთ-დან 17:00 სთ-მდე, ხოლო ელ. ფოსტით ყოველ სამუშაო დღეს 10:00 სთ-დან 17:00 სთ-მდე.